

مادتین مذکور نینده بیان اولنان فسادلردن برینی اجر ایتمک اوزره براتفاق
خفی تشکیله داتر تکلیف وقوعه بولوبده قبول اولنماش ایسه اول تکلیفی
ایدن کیسه برسنه دن اوچ سنه یه قدر حبس اولنور

الی طقوز نجی ماده هر کیم طرف دولت علیه دن مأموریتی و یاخود
دولتجه مقبول اوله جق بر سبب اولد قجه برفرقه عسکره و یا برطاقم عسکر
و یاخود دونماسنک و یا جنک سفینه سنک و یاخود قلعه و یا بر موقع مستحکمک
و یاخود بر لیان و یا بر شهرک قومانداسنی الور ایسه و هر کیم مأمور اولدیغی
عسکر قومانداسنی ترک ایتمسی چون طرف دولت علیه دن واقع اولان
امر ه امثال ایتمز ایسه و هر بر قوماندار معینده اولان عسکره اذن و یر یله رک
طاغید لمسی حقه و واقع اولان او امر دولت علیه به کذلک سبب مقبول
اولد قجه امثال ایتمه رک باشنده طو تار ایسه اعدام اولنور

التمشنجی ماده دولت علیه نك عساکر مو ظفه و ضبطیه سنی اعمال
و استخدا مة مأمور اولنلردن هر کیم اولور ایسه اولسون اشمو عسکرک سلطنت
سنیه امر یله اجرا اولنان اخذ نفقات عسکره ماده سی علمنه حرکت ایتملرینی
طلب و یاخود امر ایدر ایسه نفی ابد جزاسیله واکر بوا مر و طلبک اثار
فعلیه سی کور یلور یعنی مأمور اولان قوه عسکره نك بو یله امر نامرضی به
مطاوعت یله دولت علیه نك اول خصوصده اولان مطلبنک اجرا سنه فعلا
ممانعت اولنور ایسه امر اولان کیسه اعدام ایله مجازات اولنور و بویله خلاف
مرضی امره مطاوعت ایدنلرک ضابط و سر کرده لری دخی موقتا کورک
جزاسیله مجازات قننور

التمش برنجی ماده هر کیم دولت علیه به متعلق اولان ابنیه و هر نوع
مهمات انبار و مخزنلرینی عن قصد یعنی خیسانه احراق و هدم ایدر ایسه
اعدام اولنور

التمش ایکنجی ماده هر کیم دولت علیه نك املاک و اموال و نقودینی و یا